



UNIVERSITÄTS-
BIBLIOTHEK
PADERBORN

**COLLATIO-||NVM SACRARVM|| LIBRI VIII.|| Tilmanni
Bredenbachij S. Th. D.||**

Bredenbach, Tilmann

Coloniae Agrippinae, 1592

VD16 B 7378

32. Quomodo ipse Gregorius Turon[em]sis ad huc puer, liberatus sit à febre per S. Illidium.

[urn:nbn:de:hbz:466:1-65002](https://nbn-resolving.org/urn:nbn:de:hbz:466:1-65002)

440 COLLATION. SACRAR.
peditione esse videretur, idem in equis fertur
apparuisse.

Intercà hostes accepto nostrorum ab vrbe
egressu, acies instruunt, ventū est ad pugnam,
primæ tres acies nostrorum, viriliter in hostes
irruunt, sequentes aliæ non minus, præceden-
te lancea Domini cum sacerdotibus, Pugna-
tum est illo die acerrimè, tandem hostes, dis-
solutis cuneis vertebantur in fugam. Corbana
autem videns suas dissolutas acies, & ipsa fu-
ga elapsus, salutis suæ consuluit, eadem in ho-
stibus factâ, omnes scriptores in centum mil-
lia referunt. Consummato itaque prælio, no-
stri ad castra hostium redeunt: Vbi tantam re-
rum reperiunt opulentiam, tantas Orientali-
um diuitiarum copias, vt iam auri, argenti, gé-
nerum neque numerus esset, neque mensura,
equorum etiam & armentorum, annonæ quo-
que & victualium reperta est tanta abundan-
tia, vt iam nescirent quid eligerent, hac potiti
sunt victoria anno Dom. 1098, 28. Iunij.

Reuersi in urbem læti ouantesque duces,
Ammuratus arcis præfectus, Christianus est
factus, deditioe arcis facta, idq; solum in fa-
cienda dedicatione est pactus, vt qui ex cohore
sua fidem Christi nolent suscipere, cum re-
bus suis abire permitterentur.

*Gregorius Episcopus Turonen. in vita S. Iulij Aru-
mensis Episcopi, in lib. de vita Patrum, cap. 2, habet*

*tar in Tomis Lauren. Suij 7. Iulij. Quomodo ipse
Gregorius Tironensis adhuc puer, liberatus sit à
febre per S. Illidium.*

CAP. XXXII.

TEmpore, quo Gallus Episcopus Auernā
regebat Ecclesiam, horum scriptor in a-
dolescentia degens, grauiter ægrotabat: & hic
ab eo plerumq; dilectione vnica visitabatur,
eò quòd patruus eius esset. Erat autem valetu-
do cum nimia stomachi pituita, ac febre va-
lida. Interea aduenit paruulo desiderium, &
credo inspirante Deo, vt ad beati Illidij basi-
licam deportaretur, illatusq; manus puero-
rum, ad eius tumultum fusa oratione cum la-
chrymis, leuiorem se sensit esse, quàm vene-
rat. Sed reuersus domum, iterum à febre cor-
ripitur. Quadã verò die cum grauius agere cœ-
pisset, eumque febris asperior solito aggraua-
ret, & vtrum euaderet, admodum dubitare-
tur, accedens genitrix eius, ait ad eum: Mœstū
hodie, dulcis nate, sum habitura diem, cum te
talis deficiat febris. Cui ille, Nihil, inquit,
prorsus, obsecro, contristeris, sed ad sepulchrū
me remitte beati Illidij Pontificis: credo e-
nim firmiter fore, vt virtus eius & tibi læti-
tiam, & mihi tribuat sospitatem. Tunc sancti
deportatus ad tumultum, orationem fundit,
spondens prostratus spontè, si eum antistitis
sui virtus ab hoc contagio liberaret, cleri-
cum se futurum: nec prorsus moraretur, si
cum se futurum: nec prorsus moraretur, si

442 COLLATION. SACRAR.

deprecatio obtineret effectum. Hæc effatus, sensit protinus discedere febrem: vocatoque puero, domum se reportari deposcit. Cumque in recubitu, vbi tunc sui epulabantur, fuisset illatus, erumpente è naribus sanguinis copia, febris simul cruorque defluxit. Quod meritis beati Confessoris præstitum, habetur probatum. Sed & nuper venerandi Comitis seruus, eum in diuturna cæcitate consideret celebratis vigilijs, sanus abscessit.

D. Ioannes Chrysof. in sermone de veneratione cæthænarum, & gladij principis Apostolorum Petri, habetur Tom. 4. Kalend. Augusti. Laurent. Suriij. ex Simeone Metaphrasæ.

CAP. XXXIII.

Petrus Apostolorum firmamentum & sacratus cælorum magister, arcanorum interpres, nutantium confirmator, lapsos erigens, firmos conseruans, pœnitentiæ dux ardentissimus: Petrus denique magnum illud orbis terrarum miraculum: Ecclesiæ iactatio, discipulorum decus, & eorum, qui rectè sentiunt, ornamentum, Theologorum pulchritudo, Christi os, mēs cælestis, Trinitatis purissimum tabernaculum, lapsorum reconciliator, honestè viuentium ductor, rectè currentium propugnator, omni cælesti & humana laude, omni præconio dignissimus. Cuius si ymbra & lintei morbos profugabant, certè cathæna, quæ venerandum Apostoli corpus attigerit, (A. 5.)